

душо. Тако <sup>225</sup> во утробѣ женьствѣй: перво от сѣмени зижеть тѣло, по пяти мѣсяць <sup>226</sup> творить <sup>227</sup> душу. Во крещении <sup>228</sup> же первое пора[л. 241]-жаеть водою, потом же обновляетъ духомъ от тлѣнья грѣховънаго. Тако и в <sup>229</sup> послѣдни день: первое обновить землю и сбереть персть человѣчю и съзижеть всѣх нас телеса в мгновеньи ока, потом душа наша в свою когождо <sup>230</sup> внидутъ храмину, — по Павло <sup>231</sup> глаголющю, яко сам господь в гласѣ архангеловѣ, в трубѣ божии <sup>232</sup> сниде с небеси, и мертви о Христе въскреснутъ преже, потом же <sup>233</sup> и мы живии. Кто суть мертви? Все язъци, не бывше под божиим закономъ, ни приемше крещенья: Елико бо, рече, незаконно съгрѣшиша, <sup>234</sup> незаконно <sup>235</sup> погибнуть. <sup>236</sup> Живыя же крестьяны нарицаеть. Виждь всѣх челоуѣкъ телесемъ въскреснути и въруим Павлову послушеству, словесемъ господнимъ глаголющемъ: <sup>237</sup> иже ли не створить искони <sup>238</sup> богомъ создана челоуѣка, то не разумѣеть и крещениемъ в животъ порожена, тѣмъ же и не чаеть послѣдняго — телеса въскресения востающимъ всѣмъ челоуѣкомъ в бесконечны животъ — овѣмъ в честь и славу, овѣмъ <sup>239</sup> в студ и в муку. Но да и прокое речемъ. <sup>240</sup>

Егда приде господинъ взяти плодъ от винограда и видѣвъ его окрадена, и <sup>241</sup> призва хромца и совзъкупилъ с <sup>242</sup> слѣпцемъ, и начата сама ся обличати. Хро[л. 241 об.]мецъ глаголаше слѣпцю: Аще не бы ты мене носил, никакъ <sup>243</sup> же азъ моглъ быхъ тамо дойти, понеже хромъ есмь. Слѣпецъ же глаголаше: Аще не бы ты мнѣ пути казалъ, не быхъ тамо азъ дойти моглъ. Тогда господинъ сѣдъ на суднѣмъ столѣ и начатъ има судити. И рече: Яко же еста крада, тако да сядеть <sup>244</sup> хромецъ на слѣпца. Въсѣдшо же хромцю, повелѣлъ предъ всѣми своими рабы не милостивно казнити <sup>245</sup> в кровѣшней мученья темницѣ. <sup>246</sup>

Разумѣйте же, братье, сея притча сказание. Челоуѣкъ есть домовитъ — богъ отецъ, всячьскихъ творецъ. Его же сынъ добра рода — господь нашъ Исусъ Христосъ. А виноградъ — землю и миръ нарицаеть. Оплотъ же <sup>247</sup> — законъ божий и заповѣди. Слугы же сущая с нимъ — ангели глаголетъ. Хромецъ же есть — тѣло челоуѣче. <sup>248</sup> Слѣпца же <sup>249</sup> душу его мѣнитъ. А иже я посади у вратъ — челоуѣку бо предаеть богъ в <sup>250</sup> областьъ всю землю, давъ ему законъ и заповѣди. Преступившо же челоуѣку <sup>251</sup> повелѣнне божие <sup>252</sup> и того ради смертию осужену бывшо, первое душа <sup>253</sup> к богу приводится и спирается <sup>254</sup> глаголющи: Не азъ, но тѣло есть створило. <sup>255</sup> И <sup>256</sup> того ради нѣстъ мучения душамъ до второго пришествия, но блюдомы суть, идеже богъ вѣсть. Егда же придетъ обновить землю и въскресити вся умершая, я[л. 242]ко же самъ богъ <sup>257</sup> преже глагола, тогда вси сущи в гробѣхъ услышатъ гласъ сына божия и оживутъ, изидутъ створше благая въскресение живота, а <sup>258</sup> створши злая — въскрешение суда. Тогда бо <sup>259</sup> души наши в телеса внидутъ и примутъ въздание кождо <sup>260</sup> по своимъ дѣломъ — праведници в вѣчную жизнь, а грѣшници в бесконечную смертную <sup>261</sup> муку. Ими же согрѣшитъ кто, тѣмъ и мученъ будетъ.

Сице же и <sup>262</sup> мнѣ о сихъ сказавшо не от умышленья, но от святыхъ книгъ. Да нѣстъ се мое слово, но бесѣда; нѣсмь бо учитель, яко же они церковни <sup>263</sup> и священни <sup>264</sup> мужи. <sup>265</sup>

<sup>225</sup> Доб и ЧТ. <sup>226</sup> Доб. же Ч. <sup>227</sup> Нет Ч. <sup>228</sup> Во крещении ЧТ; в ркп. Воскресении. <sup>229</sup> и в ЧТ; в ркп. и <sup>230</sup> кождо ЧТ. <sup>231</sup> апостолу Т. <sup>232</sup> Нет Т. <sup>233</sup> Доб. рече ЧТ. <sup>234</sup> съгрѣшиша ЧТ; в ркп. нет. <sup>235</sup> Доб. и Ч. <sup>234-236</sup> Нет Т. <sup>237</sup> глаголюще ЧТ. <sup>238</sup> Доб. с Ч. <sup>239</sup> Доб. же ЧТ. <sup>240</sup> Доб.: Приходъ Христовъ на судъ всѣмъ челоуѣкомъ Т. <sup>241</sup> Нет ЧТ. <sup>242</sup> Нет Ч. <sup>243</sup> никакъ ЧТ; в ркп. ника. <sup>244</sup> всядеть ЧТ. <sup>245-246</sup> а [я] и в кровѣшней мучити а [я] темницѣ Т. <sup>247</sup> Доб. есть Т. <sup>248-249</sup> А слѣпецъ ЧТ. <sup>250</sup> А слѣпца Т. <sup>250</sup> Нет Ч. <sup>251-252</sup> заповѣди божия Т. <sup>253</sup> Доб. его Т. <sup>254</sup> испирается ЧТ. <sup>255</sup> съгрѣшило Т. <sup>256</sup> Нет Ч. <sup>257</sup> Христосъ Т. <sup>258</sup> и Ч. <sup>259</sup> Нет Ч; доб. пакы Т. <sup>260</sup> Нет Ч. <sup>261</sup> и бесмертную ЧТ. <sup>262</sup> Нет Ч. <sup>263-264</sup> Нет Т. <sup>265</sup> Доб о Христѣ Исусѣ господѣ нашемъ, ему же слава с отцемъ и с святымъ духомъ нынѣ и Т.